

Alfne Spergulæ facie minima, seminibus marginatis.
Tournef. inst. 244. Vaill. parif. 8. n. 8.

Habitat ad margines agrorum adque latera viarum colliumque Madriti, primo vere.

Radix tenuissima, annua, fibrosa, arcte terræ adhærens.

Caulis vel solitarii vel plures, procumbentes, ascendentes vel erectiusculi, glaberrimi, primo vere vix unciales, demum interdum usque digitates & rarius spithamales, subfusci, simplices.

Folia radicalia plurima, in orbem sparsa, aggregata, fetacea, glaberrima, fusca.

Caulina fasciculato-dispersa, verticillato-opposita, fetacea, glabra, fusca sæpe (in plantis minoribus) terminalia, interdum in majoribus verticillo uno vel attero in medio.

Stipulae opposito-connatæ; brevissimæ; obtusæ, fasciculo foliorum verticillato subjectæ.

Flores in panicula pedunculata, terminali, dichotoma.

Pedunculus primarius filiformis, rectus; secundarii dichotomi, post florescentiam deflexi.

Bractea opposito-connatæ, acutæ, nigro-fuscæ.

CAL. *Perianthium* pentaphyllum: foliolis ovatis, patetibus, glabris, foras rufcis, interioribus majori membranula marginali auctis.

COR. *Petala* quinque, oblonga, lanceolata, calyce paulo longiora, subobtusa, integerrima, patentia.

STAM. *Filamenta* quinque (semel 7 vidi), calycis dimidii longitudinis, subulata. *Anthera* breves.

PIST. *Germen* globosum, staminum altitudine. *Styli* quinque, obsoleteffimi vixque evidenter observabiles. *Stigmata* simplicia.

PER. *Capsula* subrotundo-ovata, calycis altitudine, unilocularis, quinquefida paulo ultra medium dehiscens: post dehiscenciam campanulato-patens.

SEM. nonnulla, subrotunda, planiuscula, nigra, cinctâ membrana tenuissima, albâ.

Color corollæ albus.